

■ LIA RUMANTSCHA

Las valischs viandantas viagian puspè tras las scolas rumantschas

(cp) L'emprima ediziun da las valischs viandantas che la Lia Rumantscha (LR) ha lantschà il schaner 2015 per scolinas, per 1.–3. classas primaras e per las scolas bilinguas ha gi grond success. Cun las valischs viandantas fa la LR enconuscent a la magistraglia ed als scolars sias ediziuns ed ils products per las scolas rumantschas. La fin d'october 2015 viagian las valischs en las 4.–6. classas da las scolas primaras ruman-

tschas. La valisch viandanta cuntegna cudeschs edids da la LR, da sias uniuns afiliadas e da la Chasa Editura Rumantscha (CER). Ultra da quai porscha la valisch discs cumpacts cun paraulas e chanzuns, carnets d'OSL e gieus per la 4.–6. classa primara. La puschida datti en tut las regiuns rumantschas e tenor giavisch era per las scolinas/scolas bilinguas a Cuira e Domat e per la 1.–6. classa da la scola rumantscha a Donat.

Suenter dus mais vai vinavant

L'emprim viadi da las valischs viandantas per scolinas/scolas ha cumenzà mez schaner 2015.

L'atun 2015 vegnan las valischs cun autras ediziuns ed auters products puspè distribuidas en las 4.–6. classas da las scolas primaras. Ina valisch resta en media dus mais en ina scola e viagia alura vinavant tar la proxima scola.



La valisch da cudeschs sin viadi en las scolas rumantschas.